

Sakspapir

Saksnr	Utvalg	Type	Dato
036/21	Formannskapet	PS	18.03.2021
024/21	Kommunestyret	PS	08.04.2021

Saksbehandler	Arkiv	ArkivsakID
Ketil Tjore	FE-000	20/4843

Streaming av politiske møte i Austrheim - kjøp av utstyr og val av lokalitet

Framlegg til vedtak:

Saka vert lagt fram til drøfting, utan framlegg til vedtak.

Formannskapet rår kommunestyret til å vedta oppstart av streaming av politiske møte i Austrheim. Møta skal haldast i kafeen på samfunnshuset, og streamingutstyret skal monterast der. Administrasjonen kjem tilbake med utkast til ein leigeavtale med samfunnshuset.

Formannskapet - 036/21 - 18.03.2021

FS - behandling:

Bjørn Inge Håland Dyrkolbotn (Sp) var ikkje tilstades ved handsaminga av denne saka. Ordførar Per Lerøy (Ap) viste til planar om å oppgradera kafeen på samfunnshuset, slik at denne kan brukast til politiske møte. Det skal lagast ei sak til neste politiske møte med ein leigeavtale med Austrheim samfunnshus. Lerøy sa vidare at oppgraderinga omfattar å skjerma for lyd frå kjøkkenet, oppgradera ventilasjon, nye vindauge og betre varmestyring. Rådmann Bjørnar Fjellhaug sa at streaming av politiske møte er i tråd med å auka digitalisering i kommunen. Helge Dyrkolbotn (KrF) sa at det er naturleg å streama formannskap og kommunestyre.

Inger Lise Brekke (H) spurte om kor lang tidsperiode ein avtale med samfunnshuset skal gjelda. Kommunalsjef Thomas Lindås sa at det kan vera langsiktig, men bør vera mogleg å seia opp. Brekke sa at det gjerne kan vera ein avtale med ei viss tid og med ein opsjon for forlenging.

Handsaming i formannskapet:

Samrøystes for nytt framlegg til vedtak.

FS vedtak:

Formannskapet rår kommunestyret til å vedta oppstart av streaming av politiske møte i Austrheim. Møta skal haldast i kafeen på samfunnshuset, og streamingutstyret skal monterast der. Administrasjonen kjem tilbake med utkast til ein leigeavtale med samfunnshuset.

Saksopplysninger:

Bakgrunn

Korona-situasjonen flytta politiske møte over til Teams-løysinga, og det har aktualisert behovet for ei løysing med -møtestreaming. Dette har også vore diskutert tidlegare, men har blitt lagt vekk mellom anna av økonomiske årsaker.

Å filma og overføra politiske møte er ikkje berre eit tiltak under Korona. Å gjera den politiske diskusjonen tilgjengeleg for fleire vil gje auka innsyn, og dermed grunnlag for betre forståing for den politiske prosessen. Sjølv i ein normalsituasjon (utan Korona) kan det vera vanskeleg for mange å vera tilhøyrar til politiske møte. Det vil vera lettare å sjå møtet direkte eller i opptak heimefrå. Med formannskap i møterom Børilden/Baløy er det heller ikkje plass til særleg mange tilhøyrarar.

Ei streaming-løysing inneber at ein kan følgja møtet direkte, eller sjå det i opptak i etterkant. Det blir også lagt til rette med stream av Teams-møte, slik at andre både kan sjå desse direkte eller i opptak.

Administrasjonen har fått signal om at det no er politisk ønskje om å starta med streaming av politiske møte, og viser under til kva vurderingar som må gjerast for ulike spørsmål.

Vurdering

Det er henta inn prisar frå to leverandørar i Norge som leverer streamingløysingar av politiske møte. Begge har levert prisar på både fastmontert og mobilt utstyr, sjå vurderingar om dette under. Når det er politisk avgjort kva møte som skal streamast og kvar desse skal haldast, vil rådmannen gjera innkjøp av det materiellet som er mest tenleg. Kostnad for fastmontert utstyr for ein plass samt etablering er kring 85.000 pluss MVA. Fastmontert utstyr to stader er ikkje dobbelt så dyrt, sidan nesten halvparten av denne kostnaden er programvarepakken.

Spørsmål som må vurderast politisk:

1. Kva møte skal streamast? Berre kommunestyret eller også formannskapet? At formannskapet er på dagtid er eit argument for streaming, mange er på jobb når møta finn stad. Ein kan også streama Eldreråd og Råd for menneske med nedsett funksjonsevne (RMNF), men dei kan komma «litt bort» om møta er i eit større lokale. Dette punktet heng saman med punkt 2.

2. Mobilt eller fastmontert streamingutstyr? Det er enklast å kjøpa utstyr som er fastmontert (kamera og styrings-PC). Mobilt utstyr vil krevja tid til rigging, og vil gjerne vera meir utsett for skader enn det som står fast. Men med fast utstyr må ein bestemma kvar møta skal haldast, til dømes at alle kommunestyre skal vera i anten kafeen på samfunnshuset (mest vanleg), salen på samfunnshuset (betre med avstand og smittevern), eller Austrheimstova, som er kantina på kommunehuset (litt trangt, i alle fall med Korona-avstand). Sistnemnde lokalitet eig kommunen sjølv, for samfunnshuset er ein avhengig av leigeavtale. Begge stader kan ein komma i konflikt med andre arrangement/møte, men det må kunna løysast ved god planlegging.

Ei løysing kan også vera å ha fastmontert utstyr to stader, til dømes i salen på samfunnshuset til kommunestyra (som og kan brukast til folkemøte), og så i Austrheimstova for formannskap og ulike råd. (Romslegare enn møterom Børilden, samstundes som det er kort veg om det er tilsette som berre skal inn i formannskapet for å orientera om enkeltsaker).

3. Gjeldande reglement for kommunestyret, formannskap og eventuelt andre aktuelle råd blir

oppdaterte med tanke på at ein startar med streaming.

Konklusjon

Saka vert lagt fram til drøfting, utan framlegg til vedtak.